



Yemmuu mucaan ishee Sheet dhalatu Hewaan "Waaqayyo kan Abeel bakka naaf bu'u Sheet naaf ni kenne" jette. Sheet nama Waaqayyoo yoo ta'u ijoollee danuu godhatee waggoota 912 ni jiraate.

19



Jechoota biroottiin akkuma dhalootni tokko dhaloota isa darbeetti aanee deema tureen namoonni jall'oota ta'a inumaa adeeman. Dhumarratti, Waaqayyo dhala namaa barbadeessuuf ni

murteesse. Akkasumas ...

20



... bineensota hundumaafi allaattiiwwan hundumaa barbadeessuuf ni murteesse. Waaqayyo nama uumuu isaatti ni gadde. Garuu namni tokko Waaqayyoon ni gammaachiise ...

21



Namni kun Nooh ture. Qacceen Sheet nama balleessaa hin qabne nama eebbifamaa ture. Inni akka Waaqayyo fedhutti ni jiraate.

22




Inni dabalataanis ijoollee isaa sadan Waaqayyoof abboomamaniif isaan ni barsiise. Yeroo kana Waaqayyo karaa adda ta'e tokkoon Noohitti dhimma ba'uu ni barbaade!

23

Jalqabbii Gadda Namaa
Seenaa Sagalee Waaqayyoo Macaafa Qulqulluu
kan keessatti argamu
Seera uumamaa 3-6

"Saaqamuun dubbii keetii ifa in kenna."
Faarsaa 119:130



Jalqabbii Gadda Namaa

Kan barreeffame Edward Hughes
Kan ibsame Byron Unger; Lazarus

Kan hiikkame Zemendale Translation Service
email: zemendale@gmail.com Po Box 32155,
Addis Ababa, Ethiopia


Story 2 of 60

Kan dagaagsame
M. Maillot; Tammy S.

M1914.org

Bible for Children, PO Box 3, Winnipeg MB R3C 2G1 Canada

Eeyyama: Seenaa kana hamma hin gugurreetti garagalfacuus ta'ee
Maxxansiifacuu ni dandeessu.



Waaqayyo wanta hamaa isa Inni cubbuu jedhuun akka raaw'anne ni beeka. Adabbiin cubbuu du'a.

Waaqayyo garuu guddaa nu jaallata, kanaaf Tokkicha Ilma Isaa Yesuus cubbuu keenyaaf akka fannoorratti du'uufi akka adabamuuf dabarsee nuuf erge. Yesuus gara jireenyaatti deebi'ee gara Waaqaa ni deeme! Amma Waaqayyo cubbuu keenyaaf nuuf dhiisa.

Cubbuu keerraa deebi'uu yoo barbaadde, Waaqayyoon akkas jedhi: Yaa Waaqayyo Yesuus akka anaaf du'eefi amma deebisee jiraatu nan amana. Jireenya haaraa akkan qabaadhee bara baraaf Si wajjin akkan jiraadhuuf maaloo gara jireenya kootti koottuufi cubbuu koottiif naaf dhiisi. Akka mucaa keetti akkan jiraadhuuf na gargaari. Ameen.
Wangeela Yohaannis 3:16

Macaafa Qulqulluu dubbisiitii guyyuma hundumaa
Waaqayyoo wajjin dubbadhu!

Afaan Oromoo



WAAQAYYO WANTA HUNDUMAA NI UUME!
Waaqayyo yommuu nama jalqabaa Addaam uume sanatti, inni niitii isaa Hewaan wajjin iddoo kannoo Edan keessa ni jiraata ture.

1



Isaan muudaa tokko malee gammachuudhaan Waaqayyoof ni abboomamu, akkasumas immioo hamma guyyaa tokkotti inni isaanii wajjin jiraachuu isaatti ni gammadu ture ...

2




"Waaqayyo muka hundumaa irraa akka hin nyaanne isinitti himee turee?" jedhee bofni Hewaaniin ni gaafate. "Nuyi ija muka hundumaa nyaachuu ni dandeenya isa tokkorraa garuu nyaachuu hin dandeenyu" jettee debisteefi.

3



"Isa sana ni nyaanna yoo ta'e ykn ija sana yoo xuqqne ni duuna" "Hin duutan" jedhee bofichi gowwoomsuudhaan itti ni seeqe. "Isiin akkuma Waaqayyoo ni taatu" Hewaan ija mukichaa ni barbaadde. Isheen boficha dhageessee ija sana ni nyaatte.

4




Wewaan erga abboommii Waaqayyoo diigdeen booda akka ija muhichaa innis nyaatuuf gara Addaam ni deemte. Addaam "Lakki! Ani abboommii Waaqayyoo hin diigu" jechuu qaba ture.

5



Addamiifi Hewaan yeroo Cubbuu hojjetanitti, lamaanuu qullaa ta'uu isaanii ni beekan. Baala harbuu walitti hodhanii marxoo isaa hojjetatanii uffatanii mukkeetii iddoo dhaabaa sana keessa jiran keessa Waaqayyo jalaa ni dhokatan.

6




Galgala sana Waaqayyo gara iddoo qanoo sanaa ni dhufe. Wanta Addaam fi Hewaan godhaan ni beeke. Addaam Hewaan balleessituu akka taate itti ni sababeeffate. Hewaan immoo bofichatti ni sababeeffatte. Waaqayyoos "Bofni abaaramera. Yommuu ciniinsuu hundaatti dubartuini ni dhukubsatti" ni jedhe.

7



"Addaam, sababa ati cubbuu hojjetteef, laftii qoraattii fi baalaan waraantee siif biqilchuudhaan abaaramera. Atis dhamaatee dafgitee buddeena ni nyaatta" jedhe.

8




Waaqayyo Addaamii fi Hewaan iddoo qannoo isa dinqii sana keessaa ni baase. Sababa cubbuu hojjetaniif Waaqayyo jiraataarraa gargar ni ba'an!

9



Waaqayyo isaan alatti isaan ittisuuf billaa akka ibiddaa boba'u isa gara hundumaatti nanaanna'u ni dhaabe.

10




Waaqayyo Addaamiifi Hewaaniif gogaa irraa uffata ni hojjeteeff. Waaqayyo gogaawwan sana eessaa fidee?

11




Yeroo isaatti, maatiin tokko Addaamiif Hewaaniif dhalate. Ilmi isaanii inni jalqabaa Qaayin, isa qottuu ture. Mucaan isaanii inni lamaffaa Abeel, isa tiksituu hoolaa ture.

12



Guyyaa tokko Qaayen wanta qoterraa Waaqayyoof hamma ta'e ni fida. Abeelis hoolota isaa keessaa isa baay'ee gaarii ta'e Waaqayyoof kennaa ni dhiheesse. Waaqayyo kennaa Abeelitti ni gammade.

13




Waaqayyo kennaa Qaayinitti hin gammanne ture. Qaayin garmalee ni aare. Waaqayyo garuu, "Wanta sirrii ta'e ni raaw'atta yoo ta'e, fudhatama hin argattuu?" jedheen.

14




Aariin Qaayin irraa hin galle ture. Yeroo isaa eeggatee lafa loon itti tiksaniitti Abeel irratti miidhaa gessisee- isa ni ajjeese.

15



Waaqayyo Qaayinitti ni dubbate. "Obboleessi kee eessa jira?" "Anoo hin beeku," jedhee Qaayin ni sobe. "Obboleessa koo natu eegaa?" Waaqayyo Qaayin nama jooraa, nama lafa dhaqu hin qabne, nama qotuu hin dandeenye akka ta'uuf dandeetti lafa ittiin qotu isa dhabsiisee isa ni adabe.

16



Qaayin iddoo Waaqayyo jiruu ni ba'e. inni intala Addaamii fi Hewaan ni fuudhe. Isaan maatii ni godhatan. Yerosuma, ilmaan ilmaanitiifi ilmaan ilmaanii (akaakileewwan) Qaayin magaalaa

inni keessa jiru sana ni guutan.

17



Kun osoo kanaan jiruu, maatiin Addaamiifi Hewaan saffisaan ni guddate. Baroota sanatti, namoonni barab kana caalaa bara dheeraa ni jiraatu ture.

18